

Regional News Unit AIR Aizawl
Friday, May 10, 2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- Lai Autonomous District Council ah Congress leh MNF Party thawkdunin sorkar an siam dawn .
- MLA Pu Rasik Mohan Chakmachuan Dan hriat loh vangin mi dik te hmuh dik lohin an awm thin a, dan hriat hmasak a zirchian a tul takzet a ni a ti.
- Nizan khan President Draupadi Murmu-i chuan ramchhunga civil mite chawimawina sang Padma Shree award chu TNT dintu leh enkawltu Dr. Sangthankima hnenah a hlan
- Tamil Nadu-a halpuah siamna hmuna thil puakah mi pakua an thi.

<><><>

LADC

Lai Autonomous District Council ah Congress leh MNF Party thawkdunin sorkar an siam dawn a,

LADC a Chief Executive Member atan South Lungpher bialtu Congress MDC, Pu C.Lalmuanthanga Governor in a pawmna lehkha nimin khan tihchhuah a ni.

Thlahnih vel LADC ah Sorkar mumal a awm loh avangin Governor in enkawl lailawk turin Lawngtlai DC a ruat a, Sorkar thar a pian dawn takah hian hun remchang hmasaber ah Chief Executive Member thar tur hi Lawngtlai DC in rinawmna thu tiamtirin a lalut anga, Governor in ruahmanna a siam lawk angin CEM thar rintawkna hi May 20 ah LADC Session ah neih a ni ang.

Puan tawh thin angin LADC a MNF Legislature Party Pu V.Zirsanga kaihhruai Sorkar chu MDC 13 ten Governor hnenah thlawptu a ngah tawklo tih an thlen hnu ah, Governor in Pu V.Zirsanga chuan thlawptu a neihdan fiah tura Floor Test nei tura March 7 a a tih laiin LADC Session neih hma lawkin Pu V.Zirsanga chuan CEM atangin banna a thehltu a ni. Heta tang hian LADC ah Sorkar mumal a dinh theilo a, hemi hnu hian Congress MDC 1 leh MNF MDC 12 ten United Legislature Party, Congress Member Pu C.Lalmuanthanga kaihhruaina hnuaiyah dinin, May ni 1 khan LADC ah Sorkarna an siamthei tih Governor hnenah Caretaker Lawngtlai DC kalflangin an thlena, he thu kalzelah hian Chief Executive Member atan Governor in Pu C.Lalmuanthanga a pawmna chu vawiin khan tihchhuah a ni ta a ni.

<><><>

LUNGLEI MJA

Lunglei MJA ten NH 302 Lunglei leh Tlabung kawng sial mek chu nimin khan an tlawh a. Tun dinhmunah Lungsen to Tlabung inkarah kawng black top loh engemawzat awmin ruah a sur chuan LMV tan chuan tlan harsa tak tak te a la awm a ni.

Phairuankai leh Tuichawng lei pawh a dinhmun en nghal in motor lian zawh theih a ni lova, tunah hian siam that tur a buaipui mek a ni.

Lungsen leh Tlabung inkar kawng pawh Contractor ten lai mekin Tuichawng leh Tlabung inkarah erawh EF&CC deptt ten stay order an pek avangin hnathawh chawlh lailawk a ni. India leh Tlabung inrina, Kawrpuichhuah khua pawh tlawh nghal in Nunsury khua pawhna tur atana tuipui chungah leidawhna tur hmunhma te en nghal a ni.

Hemi hnu hian NH 302 Kawngpui Ngaihventu Pawl, Tlabung te nen YMA Run Tlabungah an in kawm nghal a ni. Kawngpui ngaihventu te chuan he kawng siam nan a Company lamin lungchang tha lak tur he lai kawngah hian a awm lo an tih chu thudiklo a nih thu leh Laboratory ah an test vek hnuah Lung tha a awm tih an hmuh thu an sawi. Phairuankai leh Tuichawng Chhumkhum khaw bul a mi Rolui chu kawng laihna vungin a ti chhia a, he lui fintu pawh leivungin nasa takin a ti chhe tawh tih sawiin central in kawng siam nana sum tamtak a dah lai a, sum an hmang thalo chu pawh an tih thu an sawi.



RM CHAKMA

MLA Pu Rasik Mohan Chakma, Chakma Autonomous District Council CEM ni bawh chuan Dan hriat loh vangin mi dik te hmuh dik lohin an awm thin a, dan hriat hmasak a zirchian a tul takzet a ni a ti.

MLA leh CADC-a CEM hna a chelhkawp chungchanga office of profit laa puhnaah dan a bawhchhiat loh thu Governor chuan hriattirna a chhuah a, hemi chungchangah hian nimin khan Aizawla Press Club-ah thuthar thehdarhtute kawmin Election Commission of India (ECI) in dan a sawifiah takah chuan mipuiin rilru dik an put theih nan thudik puanchhuah a ngai a ni, a ti.

Office of profit chungchangah hian hman a\ang tawhin ngaih dan fuh lo a awm a, a case chungchanga ECI thutlukna chuan mipui zirtir se a duh tih a sawi a, Mizoram Assembly dan lo siam ve hmangin office of profit chungchangah MLA te ban theih angin Law Deptt pawhin “Dan bawhchhia, disqualify theih” angin Governor ah an thlirdan an thelut ni a a hriat thu sawiin tun hnuah chuan dan zir Chiang tawh \hin se, office of profit chungchang a High court judgement lo awm tawh te leh ECI ngaih dan lo puanchhuah tawh te zir Chiang lovin observation siam tawh lo se a duh tih a sawi a ni.

Sixth Schedule hnuai ADC a MDC/CEM post te chu India Dan pui hnuai office of profit a nih loh avangin MLA nen a nih kawpin office of profit dan an bawhchhe lo a. CEM hna a thawh avangin CEM hlawh a la thianga, MLA hna a thawh avangin MLA hlawh pawh a la thianga, thawhhlawh chu a la tur reng a ni a ti.

Pu Rasik Mohan Chakma chuan Hachhek bialtu MLA, Pu Robert Romawia Royte pawh ZPM Party in a fapa in sorkara contract a thawh avanga 'office of profit' dan bawhchhiaa an puhna pawh dan bawhchhia a ni lo tih ECI in an nemngheh tawh thu a sawi a.

Dan hriat loh avangin mi dik te hmuh diklohin an awm thin tih sawiin mipui leh party pawhin dan an hriat loh avangin mi chungah ngaihdan dik lo neih palh theih a nih thu a sawi a ni.

<><><>

CM

Chief Minister Pu Lalduhoma, Finance Minister ni bawk hovin a pisaah 16th Finance Commission hnena rawtna thlen tur relin nimin khan mi pawimawh te an thukhawm.

He thutkhawmah hian kum 5 chhunga Mizoram sawrkar sum hmuhna leh hmanralna te, leiba neih dan leh rulh dan te, kum nga hma lama mi te pawh uluk taka zirho a ni a. Chumi hnuah kum 2026 April ni khat atanga hman tan tur Central leh State te sum insem dan duangtu tur 16th Finance Commission hnena thlen tur rawtna te an duang tan a ni.

Hmasawna inkhairual leh mitin huapzo a awm theih nan rawtna hi uluk taka duan ni se tiin an rel a. A tul ang zela la thutkhawm leh an tum bawk a ni.

<><><>

SAITUAL

Saitual Bawrsap Dr Lalngura Tlau chuan an District chhunga khaw pahnih, Sihfa leh Khanpui khuate tlawhin, sawrkar sum hmanga kut hnathawktute hmalakna thenkhat a enfiah a,

Sihfa khuaah hian FOCUS hnuai huan thlai nghet nei tura chhungkaw 15 thlan chhuahte hmalakna te thlir ho a ni a, DC chuan FOCUS chu lo tawp pawh nise, lungngai lo tur leh line dept te pawhin theihtawp an chhuahpui zel tur thu a sawi.

Sihfa khua chu Saitual chheh vel khuaah chuan thlai thar tam leh thawhhlawk tak an nih thu sawiin taihmak chhuah chhunzawm zel turin a fuih.

Line department lam atanga hma lak theih chinah link road laihte, chinai thi sem te, thlai chi sem ,tanky siam, terrace siam, nursery siam bakah heng ranvulh lama hmalakna, Vawkte, Ar note, leh Kel note sem thlengin hmalak tawhna uluk takin thlir ho a ni.

Bawrsap hian nimin vek khan Khanpui kuaa Multipurpose Co-operative Society ten FOCUS puihna hnuai Market Access Facility- Rs.25lakh senga an din chu tlawh nghalin mipuite tan ranchaw siamna hmun tha taka an kalpui thei chu lawmawm a tih thu sawi a. Heng bakah hian Khanpui Multipurpose Coperative Socitey Ltd hian PACS, CONSUMER Store, FPO (Animal Husbandry) NABARD sum hmanga puihte an enkawl bawk a ni.

Khanpui Multipurpose Co-Operative Society te hi kum 2023 ah bul an tan a, ranchaw Qtl 110 an thar chhuak tawh. Kum 2024 North East Initiative Development Agency (NEIDA) atangin vaimim chi tha leiin a thlawnin membete hnenah an pe thin bawk. Tunah hian Khanpui Miltipurpose Society, Board of Directors enkawlna hnuai Shareholder 297 awmin, nominal member -62 an awm mek bawk.

Saitual Bawrsap chuan Khanpui kuaa Cold Storage dah thar chu tlawh nghalin he Cold storage hi Lailak leh Khanpui kuaa Tomato chingtute tana an siam a ni a. He tender hi Agriculture Deptt hnuai Shashanka Agro Pvt Ltd in an chhang a, a enkawl zui hna kum 5 chhung an vil dawn a ni.

<><><>

KOLASIB

Kolasib District Mizo Indigenous Games, Inter Branch Competition chu tan a ni

Kolasib Hmarveng Khelmualah nimin khan tan a ni a, Kolasib Bawrhsap Pu John LT Sanga chuan a hawng a He hun hi Pu T. Siana, Producer, Mizo Indigenous Games 2024 leh Programme Executive, DDK, Aizawl chuan kaihhruiin Pu John LT Sanga chuan, Indigenous People tih chuan ram leilung lo luah hmasatute a kawh thu sawiin, khawvel ram hrang hrangah chutiang chu hmuh tur an awm a tih thu leh, chung Indigenous te chuan zia rang an nei a, chu chu humhalh a ngaih thu a sawi a. United Nations pawhin Indigenous te chu a ngaihsakin an infiamna, an lam leh an culture te humhalh turin a ti a ni, a ti.

Pu Lalhruaitluanga, President, Mizoram Indigenous Games Association, Hqrs. Aizawl pawhin thu sawiin, MIGA chu Mizoram State Sports Council hnuaiah an inziahlh thute a sawi a. District hrang hrangah MIGA hi din an duh thute sawiin, District 4 ah chiah an la din a, ah Mizo infiamna chu a neituten chawisan zel a tul a, Mizo hnam infiamna chu changkan san mai lo a, chawinung tura theih tawp chhuah a tul thu a sawi bawk.

Mizo Indigenous Games hi Broadcasting Infrastructure & Network Development (BIND) leh DDK Aizawl bakah Mizo Indigenous Games Association (MIGA) te huaihawt niin, ni hnih aw h tur a ni a, infiamna chi nga: In Arpa thai; In suk nawr; In sai hruipawh; inkawibah leh Inbuan hmang a infiamna neih tur a ni. Heng infiamna a ti tha te hi State Level Intihsiakna, Aizawl a neih ah Kolasib District ai an aw h ang.

<><><>

PRESIDENT TO CONFER PADMA AWARD

Nizan khan President Draupadi Murmu-i chuan ramchhunga civil mite chawimawina sang Padma Shree award chu TNT dintu leh enkawltu Dr. Sangthankima hnenah a hlan.

Delhi-a Rashtrapati Bhavan-a inkhawm buatsaihah chawimawina hi hlan a ni a. Civil mite chawimawina sang ber Padma Vibhushan chu artist hriathlawh tak Dr. Vyjayantimala Bali leh Telegu film changthiam Konidela Chiranjeevi te hnenah hlan a ni a. Supreme Court-a hmeichhe judge hmasa ber Pi Fathima Beevi hnenah Padma Bhushan a thih hnuah hlan a ni bawk a. Ani bakah hian lunglam doctor hriathlawh Dr. Ashwin Balachand Mehta leh Politician senior O.Rajagopal te pawh chawimawina hlan zingah an tle.

Padma Award hi chhawng thumah then a ni a. Chawimawina sang ber hi Padma Vibhushan a ni a, Padma Bhushan leh Padma Shri ten an dawt a ni. Heng award te hi ramchhunga civil mi kawng hrang hranga mi hmingtha leh chawimawi tlakte hnenah hlan thin a nia. Kumtinin Republic Day-ah Padma Award dawng turte hi puanzar thin a ni a.

Thla hmasa April ni 22 khan President hian Padma Vibhushan pathum, Padma Bhushan pariat leh Padma Shri 55 a lo sem tawh a ni.

<><><>

NINE DEAD, DOZENS INJURED IN SIVAKASI CRACKER FACTORY BLAST; POLICE FILE CASE

Tamil Nadu-a halpuah siamna hmuna thil puakah mi pakua an thi. Vanduaina thlenna hmun hi Virudhunagar district, Sivakasi-a Chenggalapatti ah a ni a. He thilsiamna hmuna hnathawk ve dang mi 12 te na takin an hliam a. An zingah hian hmeichhia 7 an tel a ni. Police te chuan he thilsiamna hmun neitu lakah thubuai an ziak lut nghal a ni.



NIA ATTACHED PRO[ERTY IN J&K

National Investigation Agency chuan jammu and Kashmir-a Kupwara region-a Hizb-ul-Mujahideen member te ram neih hmun li ami a hreng. Tunhnai lawk khan NIA chuan Jais-e-Mohammed firfiakte ram Jammu and Kashmir-a hmun ruk lai ami chu a lo hrensak tawh bawk a. Ramchung hmun hrang hranga firfiakte thilneih ti chhe tura a hmalakna pakhat nia thudawn a ni.

NIA chuan thuchhuah siamin heng an thil hrensakte hi firfiaka chetna nen inkungkaih vek an ni a. Heng ram neitu mi pali Mohammad Alam Bhat, Mohammad Yousuf Khawaja, Shabir Ahmed Gakhad, leh Zakir Hussain Mir te hi Pakistan-a inkulh Hizb-ul-Mujahideen te nen inzawmna nei vek an ni a. Silai, silaimu leh ruihhlo tawlhnaah pawh an inhnamhnawih vek nia hriat a ni a ti.

